

SEDEKAD  
PAKATAN SELANGOR

Tiada  
ruang  
manipulasi  
**ISU**  
ms 4/5




HIJRAH SELANGOR  
SALUR MODAL RM5,000

Kini raih lima  
angka sebulan  
**HIJRAH Selangor**  
ms 6/7



PEDULI RAKYAT JADI REALITI

Penduduk  
Bukit Lanjan  
puas hati  
**FOKUS DUN**  
ms 12/13



**EDISI  
KHAS  
NO.1**

# SELANGOR KINI P e d u l i

SELANGOR MASA DEPAN MALAYSIA

[www.selangorkini.my](http://www.selangorkini.my)

3 - 9 APRIL 2018 | 16-22 Rejab 1439 |

[www.selangorkini.my](http://www.selangorkini.my) [Media\\_Selangor](#) [MediaSelangor](#) [selangortv.my](#) [SMARTSelangor](#)

PERCUMA

## Tegak keadilan, lawan perosak bangsa

Perlawanan dimaksudkan bagi mengangkat maruah Islam juga Melayu bukan condong melakukan kerosakan dan kemusnahan serta amalan salah guna kuasa





—SHAH ALAM

OLEH SABIRAH AZIZ maizaitul@mediaselangor.com

## Bantu pengusaha jana pendapatan

**B**ANTUAN geran projek pembangunan pertanian yang diberikan Kerajaan Negeri dapat membantu pengusaha meningkatkan hasil pendapatan yang dijalankan, selama ini. Bagi pengusaha tanaman fertigasi sayur-sayuran, Lim Yuen Kiat, 37, pemberian geran itu menggandakan usahanya, sekali gus memberi peluang kepada mereka yang kurang berkemampuan.

“Saya amat gembira dengan bantuan ini. Ia sedikit sebanyak dapat membantu daripada segi teknikal dan pembiayaan bagi meningkatkan hasil penanaman saya.”



**Saya amat gembira dengan bantuan ini. Ia sedikit sebanyak dapat membantu daripada segi teknikal dan pembiayaan bagi meningkatkan hasil penanaman saya.**

**LIM YUEN KIAT, 37,  
PENGUSAHA TANAMAN  
FERTIGASI SAYUR-SAYURAN**

“Diharapkan, saya lebih berusaha untuk menambah hasil sayuran seterusnya menyumbang kepada pendapatan pertanian, di Kuala Selangor,” katanya.

Sementara itu, Mohd Sakdum Abdullah, 68, berkata beliau rasa amat bersyukur dengan pemberian berkenaan dan akan terus berusaha dalam menghasilkan tanaman kelapa, di daerah itu.

“Saya memohon geran ini sejak tahun lalu dan tidak sangka permohonan berjaya. Saya berharap, geran ini dapat membantu melaksanakan projek tanaman kelapa dengan lebih konsisten,” katanya yang ditemui pada Hari Bertemu Pelanggan dan Majlis Penyampaian Penyampaian Geran Pembangunan Projek Pertanian, di Pejabat Pertanian daerah Kuala Selangor, di sini, pada 23 Mac lalu.

Dalam majlis itu, Exco Infrastruktur, Kemudahan Awam, Permodenan dan Pertanian Asas Tani, Zaidy Abdul Talib, menyerahkan geran bernilai RM3.3 juta kepada 54 wakil projek pembangunan pertanian, di daerah Kuala Selangor.

Ia dikendalikan di bawah Jabatan Pertanian daerah Kuala Selangor membabitkan 1,576 peserta untuk aktiviti pertanian seperti padi, sayur-sayuran, buah-buahan, kelapa, herba, cendawan, fertigasi, kelulut dan industri asas tani.



—KUALA SELANGOR

### PEMBANGUNAN PERTANIAN KUALA SELANGOR

## 54 projek terima RM3.3 juta

Sejumlah RM3.3 juta geran diberikan kepada 54 projek pembangunan pertanian, di daerah Kuala Selangor.

EXCO Infrastruktur, Kemudahan Awam, Permodenan dan Pertanian Asas Tani, Zaidy Abdul Talib berkata, ia membabitkan 1,576 peserta yang diluluskan Kerajaan Negeri untuk aktiviti pertanian di bawah kendalian Jabatan Pertanian daerah Kuala Selangor.

“Antara aktiviti terbabit adalah padi, sayur-sayuran, buah-buahan, kelapa, herba, cendawan, fertigasi, kelulut dan industri asas tani.

“Oleh itu, dengan peruntukan ini diharapkan kuantiti dan kualiti hasil dapat ditingkatkan,” katanya selepas merasmikan Hari Bertemu Pelanggan dan Majlis Penyampaian Penyampaian Geran Pembangunan Projek Pertanian, di Pejabat Pertanian daerah Kuala Selangor, di sini, pada 23 Mac lalu.

Zaidy berkata, pertanian adalah perniagaan yang perlu terus dimartabatkan serta menggandakan usaha bagi membangunkannya.

“Ia bagi membolehkan

**Pertanian adalah perniagaan yang perlu terus dimartabatkan serta menggandakan usaha bagi membangunkannya.**

**ZAIDY ABDUL TALIB  
EXCO INFRASTRUKTUR,  
KEMUDAHAN AWAM,  
PERMODENAN DAN PERTANIAN  
ASAS TANI.**

pengusaha memperoleh pendapatan yang tinggi.

Melalui semangat berdikari tinggi, diperkuuhkan dengan pengalaman, kreativiti dan ketabahan, maka saya yakin pengusaha mampu mengatasi sebarang masalah atau cabaran perniagaan.

“Ia sekali gus memastikan projek dilaksanakan berdaya maju dan tidak mengalami kerugian,” katanya.

—KUALA LUMPUR

## Selangor lulus 202 projek

OLEH NORHAYATI UMOR hayati@mediaselangor.com

SELANGOR muncul pada kedudukan tertinggi di Malaysia menerusi jumlah perkilangan diluluskan iaitu 202 projek berbanding negeri lain, tahun lalu.

Ketua Pegawai Eksekutif Invest Selangor Berhad (*Invest*), Dato' Hasan Azhari Idris berkata, Selangor mencipta lebih 10,000 peluang pekerjaan daripada jumlah itu.

Katanya, Selangor turut menerima lebih RM5.59 bilion pelaburan langsung menerusi sektor perkilangan, pada tahun lalu.

“Daripada jumlah itu, 104 adalah projek baru dengan 5,483 peluang pekerjaan. Pelaburan domestik mencatatkan RM3.42 bilion dengan RM1.44

bilion disumbangkan melalui pelaburan domestik baru, manakala pelaburan domestik lama RM1.98 bilion.

“Bagi pelaburan asing pula mencatatkan RM2.16 bilion. Daripada jumlah itu, RM1.12 bilion daripada pelaburan asing baru dan RM1.03 bilion daripada pelaburan asing sedia ada,” katanya selepas Majlis Pelancaran Selangor *International Business Summit* 2018, di MiTEC, di sini, baru-baru ini.

Hasan berkata, Jepun adalah penyumbang pelaburan tertinggi dengan 13 projek dengan nilai RM533,596,629 diikuti Singapura (18 projek) bernilai RM439,958,335 dan China lima projek (RM282,179,556). Manakala, Nether-

lands pula tiga projek dengan nilai RM162,401,080 dan German tiga projek membabitkan nilai RM147,173,824.

“Daripada jumlah keseluruhan pelaburan sektor perkilangan itu, RM878,464,035 disumbangkan melalui sektor makanan diikuti sektor perkilangan dengan jumlah RM833,100,549 dan sektor kimia pula RM803,898,755,” katanya.

Selain itu, daerah Klang tertinggi menyumbang lebih RM652 juta nilai pelaburan bagi sektor perkilangan diikut Shah Alam (RM431 juta) dan Kuala Langat berjumlah RM420 juta serta Petaling Jaya dengan RM381 juta.

Pada 2016, sektor pengangkutan penyumbang tertinggi dengan nilai RM2.843 bilion diikuti sektor makanan (RM1.035 bilion) dan RM637 juta pula menerusi produk logam yang direka.

### LPHS pastikan pemajuan rumah bertingkat

—SHAH ALAM OLEH ZAREEF MUZAMMIL

LEMBAGA Perumahan dan Hartanah Selangor (LPHS) komited mempergiatkan penubuhan Badan Pengurusan Bersama bagi setiap pemajuan rumah bertingkat dalam usaha membantu menyelesaikan masalah dihadapi komuniti berstrata.

Pengarah Eksekutifnya, Norzaton Aini Kassim berkata, pendekatan itu dijalankan secara kerap kerana yakin dengan tadbir urus yang baik akan melahirkan masyarakat harmoni dan mewujudkan kehidupan selesa.

Katanya, LPHS dengan kerjasama Bahagian Pesuruhjaya Bangunan (COB) di setiap Pihak Berkua Tempatan juga akan merancang pelbagai program rangsangan pembangunan komuniti.

“Ia dilaksanakan bagi tujuan membentuk masyarakat berdaya saing dan harmoni melalui pemilikan perumahan selesa.

“Malah, pelaksanaan itu meliputi pengurusan fizikal, pengurusan komuniti dan pengurusan kepimpinan bagi membincangkan agenda memperkasa kehidupan masyarakat, di rumah bertingkat.

“Pada masa sama, kita ingin menggalakkan perpaduan dan

menanam sifat kendiri melalui inisiatif yang disusun atur,” katanya ketika berucap pada Majlis Perhimpunan Bulanan Jabatan-Jabatan Kerajaan Negeri Selangor, di Auditorium Dewan Jubli Perak, di sini, pada 19 Mac lalu.

Menyedari hakikat itu, Norzaton berkata, LPHS menggariskan beberapa Key Performance Indicator (KPI) bagi program utama merealisasikan hasrat Kerajaan Negeri dalam memacu pembangunan negeri.

“Kita juga menerapkan aspek kerohanian, kemanusiaan dan amalan tadbir urus yang baik bagi menjamin keadilan sosial untuk segenap lapisan masyarakat.

“Selain itu, elemen anjakan paradigma untuk membangunkan smart people turut ditekankan ke arah mendukung visi Kerajaan Negeri mewujudkan Smart Selangor,” katanya.

Terdahulu, beliau menzhirkan ucapan terima kasih kepada semua pihak atas sokongan dan kerjasama sepanjang penubuhan 15 tahun LPHS dan kerjasama erat itu tetap diteruskan supaya dapat menyumbang kepada pembangunan perumahan juga



—SHAH ALAM

KERAJAAN NEGERI UMUM SUMBANGAN

## Jayakan program silat

OLEH AFIX REDZUAN syafiq@mediaselangor.com

Dato' Menteri Besar, Dato' Seri Mohamed Azmin Ali, mengumumkan sumbangan RM150,000 kepada Persekutuan Seni Silat Cekak Pusaka Ustaz Hanafi Malaysia bagi membantu mereka melaksanakan pelbagai program berunsur silat.

Perkara itu dinyatakan, Pewaris Mutlak Silat Cekak Hanafi, Syeikh Dr Md Radzi Hanafi, ketika upacara penutupan Kejuaran Wajadiri MySilat Cekak Pusaka Hanafi peringkat Institusi Pengajian Tinggi (IPT) dan Sekolah Seluruh Malaysia 2018, di Dewan Raja Muda Musa, Seksyen 7, di sini, pada 31 Mac lalu.

Mohamed Azmin dalam ucapannya sebelum itu berkata, seorang pesilat tidak boleh menganggap cabaran perlawanan yang diterima bukan menunjukkan mereka lemah sebaliknya mendidik diri supaya berani berdepan musuh.

“Apabila cabaran mendatang, silat mendidik kita untuk mempunyai keberanian melawan musuh. Jangan sekali-kali kita berundur.”

“Perlawanan yang kita maksudkan bagi menegakkan keadilan dan kebenaran serta mengangkat maruah Islam juga Melayu, di bumi ini. Kita bukan bermaksud untuk menyatukan kekuatan bertujuan

bersekongkol dengan melakukan kerosakan serta kemusnahan.

“Islam tidak membenarkan kita condong terhadap sebarang bentuk amalan rasuah dan salah guna kuasa tetapi menuntut kita supaya ada keberanian serta disiplin yang tinggi untuk tampil ke hadapan, lawan mereka yang merosakkan

sendiri. Ia selari dengan pantang larang pengamal Pusaka Hanafi iaitu tidak boleh bergaduh sesama ahli perguruan bertujuan membina semangat kekeluargaan.

Universiti Teknologi Mara kampus Jasin, Melaka, dinobatkan juara keseluruhan utama bagi tahun 2018 seterusnya membawa pulang trofi kejuaraan.

Mereka turut cemerlang apabila mengungguli kategori keseluruhan peringkat IPT dan juara keseluruhan peringkat IPT kategori lelaki.

Juara keseluruhan peringkat IPT kategori wanita disandang Universiti Kiala Lumpur (UNIKL) Mestech Kajang.

Sekolah Menengah Kebangsaan Sultan Abdul Jalili, Johor, pula dinobatkan juara keseluruhan peringkat sekolah 2018.

Bagi juara keseluruhan peringkat sekolah kategori lelaki dimenangi Sekolah Menengah Kebangsaan Mutiara Rini, Johor, manakala Kolej Vokasional Sungai Buloh memenangi kategori wanita.

Dalam majlis sama, Wilayah Persekutuan Kuala Lumpur dan Selangor dipilih selaku tuan rumah bersama bagi penganjuran Kejuaraan Wajadiri My-Silat Cekak Pusaka Hanafi peringkat IPT dan Sekolah Seluruh Malaysia 2019.

**“Apabila cabaran mendatang, silat mendidik kita untuk mempunyai keberanian melawan musuh. Jangan sekali-kali kita berundur.”**

DATO' SERI MOHAMED AZMIN ALI, MENTERI BESAR SELANGOR

bumi bertuah ini,” katanya. Pengajuran acara tahunan buat kali ke-22 itu menyaksikan penyertaan 5,000 anak muda daripada 90 kontingen Silat Cekak Pusaka Hanafi mewakili institusi pendidikan dari seluruh negara dengan tema ‘Perisai Jatidiri’.

Konsep pertandingan Pusaka Hanafi adalah pertandingan persembahan untuk penilaian juri terhadap kreativiti persembahan berdasarkan kaedah dan keaslian sistem pembelajaran itu

## Kaum Sikh dipeduli

—PETALING JAYA OLEH SABIRAH AZIZ maizaitul@mediaselangor.com



Kerajaan Negeri memperuntukkan RM740,000 bagi pembangunan kaum Sikh, di Selangor, kata Dato' Menteri Besar, Dato' Seri Mohamed Azmin Ali.

Beliau berkata, jumlah itu termasuk sumbangan lebih RM570,000 kepada 21 gudwara, RM120,000 bagi aktiviti pendidikan serta RM50,000 kepada Selangor Sikh Association untuk kegiatan sukan. Beliau turut menyifatkan, kaum Sikh sebagai permata Selangor dan perlu bersama mempertahankan Kerajaan Negeri yang peduli rakyat.

“Di samping itu, peruntukan kepada kaum Sikh turut dinaikkan daripada RM500,000 kepada RM1 juta. Diharapkan, bantuan ini dapat membantu masyarakat

Sikh menjalankan pelbagai aktiviti,” katanya.

Pada masa sama, Mohamed Azmin berkata, beliau gembira meraikan perayaan masyarakat Sikh yang meriah dan muhibah.

“Masyarakat Sikh sebenarnya menyumbang khidmat cukup besar dalam membangunkan negara dan negeri, justeru mereka tidak boleh dilihat sebagai komuniti marginal kerana bersama membawa perubahan signifikan.

“Selain itu, golongan ini juga tidak ketinggalan menjadi antara golongan profesional dan berbakat, contohnya Gobind Singh, peguam handal yang mewarisi mendiang bapanya, Karpal Singh serta menjadi contoh teladan kepada rakyat Malaysia,” katanya.

## Penuhi aspirasi negeri pintar

—SHAH ALAM

OLEH ZAREEF MUZAMMIL

Rakyat diminta terus berpegang kepada akar budaya dan nilai warisan bagi memenuhi aspirasi menjadikan Selangor sebagai negeri pintar serta maju ke hadapan.

Dato' Menteri Besar, Dato' Seri Mohamed Azmin Ali berkata, rakyat perlu memperkaya dan memperkemaskin jati diri supaya dapat melahirkan lebih ramai generasi millennials yang memiliki kemahiran serta kepakaran dalam bidang teknologi.

“Penekanan aspek akar budaya dan nilai warisan tidak boleh sama sekali dipandang enteng kerana ia adalah satu elemen penting bagi merealisasikan hasrat berkenaan.

“Ufuk intelektual harus diperluaskan supaya dapat menggarap pemikiran tinggi meliputi semua aspek agama, kebudayaan, kesusastraan dan politik,” katanya ketika menyempurnakan Majlis Perasmian Pesta Buku Selangor 2018, di Pusat Konvensyen Shah Alam, di sini, pada 31 Mac lalu.

Mohamed Azmin berkata, setiap individu harus kental dan bersiap siaga ketika menghampiri revolusi industri 4.0 yang penuh dengan cabaran.

Katanya, menjadi satu keperluan



khususnya golongan millennials untuk mengumpul ilmu kemahiran teknologi sebanyak mungkin dan membentuk keyakinan diri lebih mendalam. “Kita akan pastikan Selangor terus unggul berada di peringkat tertinggi dalam persaingan serantau juga global,” katanya. Pada masa sama, beliau berkata, karya terbitan Perbadanan Perpustakaan Awam Selangor berjaya mengangkat minda dan pemikiran rakyat.

Malah, katanya, ia menjadi dorongan berterusan menuju ke arah pemodenan dan globalisasi terutama untuk memperjuangkan demokrasi negara, pada hari ini. “Pesta buku kali ini menjadi wahana penyebaran idea baru supaya dapat menyuburkan wacana intelektual yang lebih intensif dan komprehensif selain turut memajukan tradisi keilmuan, di Selangor,” katanya.



SEDEKAD PAKATAN SELANGOR

# Tiada ruang manipulasi

SEMUA keputusan besar membabitkan isu rakyat, khususnya tanah tidak lagi dimonopoli ahli politik sejak Pakatan Rakyat/Harapan (PAKATAN) mengambil alih pentadbiran negeri, pada 2008.

OLEH AFEEQA AFEERA/Penolong Pengarang  
afeeqa@mediaselangor.com

etiausaha Politik kepada Dato' Menteri Besar, Shuhaimi Shafiei berka- ta, tindakan itu sekali gus

menghapuskan isu salah guna kuasa dalam kalangan Ahli Dewan Negeri (ADN) yang dahulunya menganggotai Jawatankuasa Tin- dakan Tanah Daerah.

Katanya, langkah berkenaan turut membuka peluang luas kepada rakyat memiliki tanah mengikut kaedah sepatutnya tanpa campur tangan politik.

“Jika dahulu ia (jawatankuasa) dianggotai ADN, maka mereka berkuasa mengawal dan menentukan siapa terpilih menerima tanah dengan keputusan itu akan dibawa ke peringkat Kerajaan Negeri untuk pengesahan.

“Kini tiada lagi, sekali gus mengelakkannya menyalahgunakan kedudukan atau posisi mengambil serta mencadangkan tanah itu diberikan kepada kroni juga kaum kerabat dan ia perkara paling atas yang menggembirakan rakyat.

“Ruang untuk ahli politik manipulasi sudah tiada, maka itu kejayaan terbesar kita,” katanya

menerusi temu bual eksklusif bersama *SelangorKini*.

Pada masa sama, Shuhaimi berkata, ADN juga tidak lagi secara automatik dilantik sebagai Ahli Majlis di Pihak Berkuasa Tempatan sebagai pembuat keputusan.

Beliau berkata, langkah itu disifatkan terbaik bagi mengelakkannya daripada terlalu berkuasa dan mengembalikan kuasa membuat keputusan kepada pengarah jabatan berkenaan.

“Jika dahulu ADN dilantik sebagai Ahli Majlis, maka mereka akan menjadi *super power* atau lebih berkuasa berbanding Datuk



**Cabaran memang besar sebagai Setiausaha Politik dan selalunya saya lebih berperanan melaksanakan arahan politik atau tindakan jangka masa panjang juga pendek.**

**SHUHAIMI SHAFIEI,**  
Setiausaha Politik Dato' Menteri Besar

## Sidang Redaksi

# SELANGOR PEDULI

EDITORIAL Penasihat Lembaga Editorial CCSB Ketua Pengarang Cecelia Alphonsus Pengarang Nurul Farina Nazlan Penolong Pengarang Mohd Ezli Mashut, Naeem Raffi, Afeeqa Afeera Wartawan Hafizan Taib hapizantaib@mediaselangor.com Nazli Ibrahim nazli@mediaselangor.com Afix Redzuan syafiq@mediaselangor.com Norhayati Umor hayati@mediaselangor.com Ermizi Muhamad norazie@mediaselangor.com Sabirah Aziz maizatul@mediaselangor.com Sheeda Fathil sheeda@mediaselangor.com Layout & Design Unit Grafik CCSB Jurugambar Asri Sapkie, Raheemie Arifin, Hafiz Othman SALES & MARKETING Advertising Executive Nadrah (011-1130 0244) Shafiq (017-790 6759) Communication Corporation Sdn. Bhd. (847095-A) Aras 2, Carlton Holiday Hotel & Suites, No. 1, Persiaran Akuatik 13/43, Seksyen 13, 40100 Shah Alam, Selangor. Tel : 03-5523 4856 Faks : 03-5523 5856 Emel: info@mediaselangor.com



Bandar dan Yang Dipertua.

"Ini kerana mereka akan mempergerusikan tiga jawatankuasa penting iaitu Jawatankuasa Pusat Khidmat Setempat, Sebut Harga dan Tender juga Perolehan dan Kewangan," katanya.

### Integriti sebat dalam pentadbiran negeri

Integriti dalam kalangan pemimpin dan penjawat awam yang diamalkan Kerajaan Negeri sejak 2008 menjadi asas kepada kejayaan pentadbiran, hari ini.

Shuhaimi berkata, ia terbukti apabila tiada lagi dalam kalangan ADN dikaitkan dengan proses

beratkan kepada semua anak syarikat Kerajaan Negeri termasuk syarikat berkaitan kerajaan.

Mengakui adakalanya berdepan sedikit kesukaran, namun beliau menganggap ia sebagai proses biasa dalam melaksanakan yang terbaik untuk pentadbiran Kerajaan Negeri.

"Cabarannya memang besar sebagai Setiausaha Politik dan selalunya saya lebih berperanan melaksanakan arahan politik atau tindakan jangka masa panjang juga pendek.

"Saya tidak terbabit secara langsung membabitkan urusan anak syarikat, melainkan arahan

"Kita layan ia seperti aduan lain, terima, buat pengesahan dan pulangkan kepada mereka," katanya.

Shuhaimi berkata, setiap memorandum diterima akan terus diserahkan kepada Dato' Seri Mohamed Azmin Ali untuk arahan lanjut dan hanya dijawab bergantung kepada kesesuaian.

Katanya, memorandum bersifat serangan politik, memalukan Kerajaan Negeri menerusi tuduhan tidak berasas mahupun tuduhan palsu tidak akan dilayan.

"Jika membabitkan isu tanah atau bantahan penduduk yang diambil tanah untuk pembinaan jalan atau rumah terpaksa

**"Saya ingin tegaskan tumpuan kita hari ini ialah mengurangkan jarak antara bandar dan luar bandar kerana pemodenan antara keduanya terlalu ketara, jadi kita mahu seimbangkan."**

**SHUHAIMI SHAFIEI,**  
Setiausaha Politik Dato' Menteri Besar

beliau dalam urusan pentadbiran membuktikan dirinya adalah produk yang boleh diletakkan di peringkat nasional kerana ia jarang ada dalam kalangan pemimpin atau ahli politik, hari ini," katanya.

Pada masa sama, Shuhaimi berkata, Mohamed Azmin, memiliki ciri pemimpin berkualiti iaitu bijak berhujah dan mengurus sesuatu isu yang timbul sebaik mungkin.

Katanya, tiada keputusan dibuat secara sambil lewa, sebaliknya dilakukan dengan tuntas berdasarkan maklumat tepat.

"Segala keputusan dibuat secara menyeluruh dengan mendapatkan fakta sebenar untuk mengekalkan integriti dan martabat seseorang pembuat keputusan besar," katanya.

Mohamed Azmin mengangkat sumpah sebagai Dato' Menteri Besar, pada 23 September 2014.

### Ikhlas bukan lakonan

Sifat mesra rakyat ditonjolkan Mohamed Azmin ketika mengadakan program turun padang bukan satu lakonan, sebaliknya dibuat dengan penuh keikhlasan.

Shuhaimi berkata, kebanyakan masyarakat di seluruh negeri menerima baik pemimpin nombor satu negeri itu ekoran sifatnya yang mudah didekati.

"Beliau ada kemahuan (membantu dan mendekati rakyat) serta jelas keikhlasannya. Tindakan itu bukan lakonan, bukan sekadar foto tetapi itulah Mohamed Azmin.

"Beliau juga pernah memecahkan meja sidang media dengan tutul besar sebagai simbol kempennya membantah kegiatan judi, bertuala mandi dalam isu air dan membawa keranda.

•

### Ketelitian Mohamed Azmin

Mohamed Azmin selaku pemimpin nombor satu negeri dilihat cekap dan pantas dalam menjalankan tugas serta membuat keputusan berhubung pentadbiran Selangor.

Sehubungan itu, Shuhaimi berkata, ketelitian pemimpin tertinggi negeri itu jelas terbukti terutama membabitkan isu rakyat.

Katanya, selain memiliki sifat cermat, Mohamed Azmin juga berfikiran terbuka dalam menerima pendapat berhubung sesuatu perkara.

"Walaupun kita anggap pandangan itu kecil, namun beliau akan ambil perhatian untuk diperhalusi sebelum membuat keputusan muktamad. "Kemampuan



**"Jika membabitkan isu tanah atau bantahan penduduk yang diambil tanah untuk pembinaan jalan atau rumah terpaksa dirobohkan, maka perkara itu mengambil sedikit masa kerana ia memerlukan maklumat lengkap daripada agensi terbabit."**

**SHUHAIMI SHAFIEI,**  
Setiausaha Politik Dato' Menteri Besar

pemilihan tanah, tender atau mendalangi kroni berkaitan penganugerahan projek.

Katanya, asas itu turut terpaku kepada ADN Barisan Nasional (BN) negeri yang menjadikan integriti sebagai amalan dalam urusan kerja mereka.

"Sejak 2008, integriti dalam kalangan ADN lebih tinggi termasuk ADN BN yang perlu dipuji kerana mereka memiliki kemampuan untuk menjaga harga diri masing-masing.

"Apabila kita amalkan ketulusan, integriti dan tadbir urus baik, semua ADN termasuk pembangkang juga terikut menggunakan konsep sama dalam Dewan Negeri Selangor (DNS), sekali gus menjadi proses pembelajaran kepada semua," katanya.

Tidak hanya terhad kepada ADN sahaja, sebaliknya Shuhaimi berkata, amalan sama turut dititik

tertentu diberikan, namun setakat ini mereka memberikan kerjasama baik," katanya.

### Memorandum sebahagian proses demokrasi

Memorandum bantahan atau demonstrasi berhubung pelbagai isu di hadapan Bangunan Setiausaha Kerajaan Negeri (SUK) bukan lagi suatu yang asing bagi pentadbiran Selangor, hari ini.

Mengakui perkara itu, Shuhaimi berkata, setakat ini lebih 50 memorandum diterima daripada pelbagai pihak dan menganggapnya sebagai proses demokrasi.

Bagaimanapun, katanya, tidak semua bantahan terbabit relevan untuk diberikan maklum balas.

"Adakalanya yang menghantar (memorandum) ini adalah kawan lama kita yang kini beralih arah tetapi bagi saya, ia asam garam politik yang perlu dilalui.

dirobohkan, maka perkara itu mengambil sedikit masa kerana ia memerlukan maklumat lengkap daripada agensi terbabit.

"Kita perlukan ulasan teknikal sebelum memberi maklum balas kepada memorandum berkenaan dengan mengambil pertimbangan politik paling hampir untuk keputusan muktamad," katanya.

### Tolak politik murahan

Amalan politik murahan dengan sengaja mencetuskan kontroversi ditolak pentadbiran Kerajaan Negeri, di bawah pentadbiran Mohamed Azmin.

Shuhaimi berkata, seorang ahli politik yang bijak akan membawa sesuatu isu kepada Kerajaan Negeri melalui pertemuan atau perbincangan teratur. Beliau berkata, gimik politik tidak membantu daripada segi penyelesaian kes, sebaliknya menonjolkan imej

masyarakat di kawasan bandar beranggapan Mohamed Azmin terlalu memberi tumpuan terhadap kawasan luar bandar yang kebanyakannya didominasi kaum Melayu.

"Walaupun pandangan itu saya fikir kecil tetapi kita ambil kira untuk diperbetulkan kerana ia bukan pandangan berdasarkan kajian tetapi persepsi mereka, khususnya yang tidak sealiran politik.

"Tetapi, saya ingin tegaskan tumpuan kita hari ini ialah mengurangkan jarak antara bandar dan luar bandar kerana pemodenan antara keduanya terlalu ketara, jadi kita mahu seimbangkan," katanya.



## TIGA TAHUN HIJRAH SELANGOR

## Capai 52,000 peserta

Program HIJRAH Selangor terus menjadi kebanggaan negeri ini apabila hampir 52,000 peserta berjaya menerima manfaat skim mikrokredit itu, sepanjang tiga tahun pelaksanaannya.

OLEH SYAZWANI SUFIAN syazwansufian@mediaselangor.com

**P**rogram itu bertindak sebagai penyalur modal tambahan berteraskan konsep *Pinjaman Asas Simpanan* kepada peniaga kecil. Ia adalah gagasan Dato' Menteri Besar, Dato' Seri Mohamed Azmin Ali, yang menggabungkan skim mikrokredit SKIMSEL, MIMBAR dan WALA yang sudah dilaksanakan Kerajaan PAKATAN, sejak 2010.

HIJRAH Selangor dikendali Yayasan Hijrah Selangor bagi mewujudkan sistem pengeluaran modal yang mudah, cepat dan tidak membebankan penaja serta peniaga kecil yang didapati sering menghadapi masalah kekurangan modal.

Manakala pihak Kerajaan Negeri bertindak sebagai penganggar program dan memberi modal pusingan pelaksanaan program sejumlah RM100 juta.

Pengerusi Eksekutif Yayasan Hijrah Selangor, Datuk Dr Mansor Othman berkata, skim yang diperkenalkan sejak tiga tahun itu adalah komitmen Kerajaan Negeri dalam melonjakkan golongan miskin memasuki golongan kelas menengah.

Katanya, HIJRAH Selangor sudah mencapai banyak kemajuan membantu usahawan kecil daripada

**“Sehingga kini, seramai 52,000 peserta sudah menerima bantuan skim ini dengan nilai RM368 juta.”**

**DATUK DR MANSOR OTHMAN**  
PENGERUSI EKSEKUTIF  
YAYASAN HIJRAH SELANGOR

dapati pinjaman ulangan juga semakin meningkat iaitu daripada permulaan hanya meminjam RM5,000 kini ada yang mencecah sehingga RM50,000.

“Melihat kepada kejayaan ini, saya yakin Kerajaan Negeri mampu mempertimbangkan pertambahan maksimum pinjaman kepada peserta kerana kita dapat lihat sendiri keberkesanan program ini membantu usahawan,” katanya.

Terbukti, HIJRAH Selangor mampu mengupayakan peniaga kecil dan peserta yang dijangka terus meningkat kepada 56,000 orang, tahun ini.

pelbagai bentuk bidang dalam tempoh tiga tahun pelaksanaan program itu.

“Kita mensasarkan 56,000 peserta bagi tempoh tiga tahun yang bermakna penambahan 4,000 peserta lagi, maka kita akan mencapai sasaran.

“Sehingga kini, seramai 52,000 peserta sudah menerima bantuan skim ini dengan nilai RM368 juta,” katanya kepada SelangorKini.

Pada masa sama, Dr Mansor berkata, pelbagai kejayaan peserta HIJRAH Selangor dicatatkan menerusi perkembangan perniagaan masing-masing, dalam tempoh tiga tahun. “Kita juga

### Terima lebih 80% pembayaran balik

Lebih 80 peratus peserta program ini membuat bayaran semula kepada skim mikrokredit terbabit dalam tempoh tiga tahun pelaksanaannya.

Dr Mansor berkata, perkembangan positif itu membuktikan keberkesanan program bantuan kewangan terbabit kepada usahawan, sejak dilancarkan.

“Skim ini mencatatkan pulangan dan kutipan balik sekitar 85 peratus hasil daripada komitmen dan usaha gigih petugas yang berdepan pelbagai cabaran dalam menjalankan tugas.

BILANGAN PESERTA (BANGSA)				
IBU PEJABAT	MELAYU	CINA	INDIA	JUMLAH PESERTA
CAWANGAN IBU PEJABAT	5	2	0	7
UNIT CALL CENTER	4,380	38	302	4,720
<b>JUMLAH KESELURUHAN ZON</b>	<b>4,380</b>	<b>40</b>	<b>302</b>	<b>4,720</b>
CAWANGAN KAPAR	1,968	41	178	2,207
CAWANGAN KLANG	1,364	25	105	1,494
CAWANGAN KOTA RAJA	1,316	38	353	1,707
CAWANGAN SABAK BERNAM	1,471	11	145	1,627
CAWANGAN SHAH ALAM	1,600	4	50	1,959
CAWANGAN SUNGAI BESAR	2,198	35	11	2,244
CAWANGAN TANJUNG KARANG	1,368	18	27	1,433
<b>JUMLAH KESELURUHAN ZON</b>	<b>13,223</b>	<b>200</b>	<b>902</b>	<b>14,325</b>
CAWANGAN AMPANG	640	5	11	656
CAWANGAN HULU LANGAT	1,804	15	66	1,885
CAWANGAN KUALA LANGAT	1,781	29	171	1,981
CAWANGAN PANDAN	681	25	27	733
CAWANGAN PUCHONG	1,285	17	87	1,389
CAWANGAN SEPANG	2,316	152	109	2,577
CAWANGAN SERDANG	1,636	25	67	1,728
<b>JUMLAH KESELURUHAN ZON</b>	<b>10,143</b>	<b>268</b>	<b>538</b>	<b>10,949</b>
CAWANGAN GOMBAK	1,925	3	116	2,044
CAWANGAN HULU SELANGOR	1,485	84	202	1,771
CAWANGAN KELANA JAYA	768	18	91	877
CAWANGAN PETALING JAYA SELATAN	916	18	80	1,014
CAWANGAN PETALING JAYA UTARA	1,467	16	11	1,494
CAWANGAN SELAYANG	1,352	34	86	1,472
CAWANGAN SUBANG	2,010	29	270	2,309
<b>JUMLAH KESELURUHAN ZON</b>	<b>9,923</b>	<b>202</b>	<b>856</b>	<b>10,981</b>
<b>JUMLAH KESELURUHAN</b>	<b>37,674</b>	<b>710</b>	<b>2,593</b>	<b>40,082</b>



“Komitmen dan kejayaan ini perlu dikekalkan untuk menjadikan HIJRAH Selangor sebagai agensi mikrokredit yang berkaliber dan dihormati,” katanya.

Di samping itu, HIJRAH Selangor mewujudkan jaringan koperasi bagi membimbing usahawan dengan pelatih profesional berkenaan pengurusan kewangan, promosi serta memasarkan produk dengan berkesan supaya perniagaan mereka berjalan lancar untuk mengelakkan disiplin peserta.

“Langkah ini juga secara tidak langsung membolehkan bayaran balik dibuat,” katanya.

Pada masa sama, Dr Mansor berkata, pihaknya akan melaksanakan skim pinjaman musim perayaan bagi membantu peniaga yang memerlukan modal tambahan untuk berniaga, pada musim perayaan.

### Skim Zero to Hero

Skim ini dinamakan *Zero to Hero* iaitu HIJRAH Selangor memilih dan melantik 25 syarikat peneraju yang berpotensi untuk

melaksanakan *system mentoring* (*melatih dan memantau*) kepada peserta yang ingin berniaga tetapi tidak mempunyai bahan, modal juga jenis perniagaan.

Syarikat peneraju dan HIJRAH Selangor bertanggungjawab memberi taklimat dan memilih peserta mengikut golongan sasar ditentukan seterusnya peserta yang terpilih akan diberi latihan mengikut jangka masa ditetapkan.

Peserta yang layak akan membuat permohonan pinjaman HIJRAH Selangor sebagai modal pakej ditawarkan syarikat peneraju seperti bekalan produk, jenama, bahan serta peralatan perniagaan.

Sepanjang perjalanan perniagaan, peserta akan dibimbing dan dipantau syarikat peneraju sehingga perniagaan mereka berjalan lancar.

Selepas tamat bayaran pinjaman, peserta yang berjaya boleh membuat pinjaman balik kepada HIJRAH Selangor bagi mengembangkan lagi perniagaan.

Kejayaan usahawan juga adalah kayu pengukur kejayaan HIJRAH Selangor.

● 2013 – Saya mula menjual ‘fruit cake’ secara sambilan dan hobi di rumah. Tidak berapa lama, ibu mertua yang disayangi pergi mengadap Ilahi tetapi operasi perniagaan kek di rumah tetap diteruskan.

● Rodziah Ismail – Ahli Dewan Negeri Batu Tiga, mencadangkan kepada saya untuk membuat pinjaman HIJRAH Selangor bagi meluaskan perniagaan ke peringkat lebih besar.

● Zukahida membuat pendaftaran pinjaman HIJRAH Selangor sebanyak RM5,000. Modal itu digunakan untuk membeli pengukus dan alatan penyediaan kek lain yang akhirnya menjadi permulaan kepada lanjutan kejayaan Fruitissimo.

● Kurang dua tahun operasi Frutissimo, tetapi atas rezeki Allah SWT dan galakan program HIJRAH Selangor berjaya meletakkan perusahaan bakeri ini dikenali umum.

● Diberi peluang oleh Unit Perancang Ekonomi Selangor (UPEN) mengikuti kursus dan pendedahan di China berhubung prospek perniagaan, di luar negara.



HIJRAH Selangor salur modal RM5,000

## Kini raih lima angka sebulan

Berbekalkan modal perniagaan daripada HIJRAH Selangor sebanyak RM5,000 sahaja, usahawan bakeri, Zukahida Kasim, kini sudah mampu meraih pendapatan lima angka, sebulan.

OLEH ERMIZI MUHAMAD [noraizie@mediaselangor.com](mailto:noraizie@mediaselangor.com)

Perniagaan Klam Emas Sendirian Berhad yang dibangunkan bersama suaminya, Onnie Zurin Abu, secara komersial itu kini sudah mampu berdiri sama tinggi dengan perusahaan bakeri tempatan lain.

Kejayaan itu dikecapi Zukahida menerusi penjualan aneka jenis kek yang dijenamakan di bawah produk *Fruitissimo* yang cukup sinonim bagi penggemar kek, di pasaran.

Lebih membanggakan, perusahaan *Fruitissimo* kini bukan hanya dipasarkan, di negara ini. Perancangan untuk tempoh akan datang, produk berkenaan bakal memasuki pasaran Timur Tengah selepas proses akhir kelulusan di peringkat kementerian, di Putrajaya.

Malah, tidak lama lagi sebuah kilang bakal dibangunkan sebagai inisiatif berterusan memperlebar jaringan operasi perusahaan bakeri milik wanita itu. Baginya, hanya berbekalkan iltizam tinggi dan kemahuan untuk berdaya saing



**Pelaksanaan inisiatif HIJRAH Selangor di bawah gagasan Dato' Menteri Besar, Dato' Seri Mohamed Azmin Ali, banyak membantu usahawan baru meningkatkan peluang perniagaan.**

ZUKAHIDA KASIM,  
Klam Emas Sendirian Berhad

membuatkan Zukahida tidak betah membuat keputusan terbesar dalam kehidupannya.

Hingga kini percaturan terbesar dibuat beliau apabila sanggup melepaskan jawatannya sebagai juruaudit di sebuah agensi

perauditan dan memilih untuk membuka perniagaan sendiri, pada tahun 2008.

### Kejayaan tidak datang bergolek

Namun, kejayaan itu bukan mudah diraih bagi individu yang tidak mempunyai pengalaman luas dalam bidang perniagaan.

Sepanjang tempoh itu, banyak perniagaan baru diteroka beliau termasuk menjalankan perniagaan penjualan tudung, pakaian muslimah, Mama Waffle dan gerai makanan, di lot sewaan kedai. Tetapi, semuanya tidak bertahan lama.

“Barangkali, ketika itu masih belum ada *jalan* dan *orang* yang *tepat* ditemui. Semuanya tidak menjadi, sehingga akhirnya semua kedai saya terpaksa ditutup, pada tahun 2012.

“Dalam tempoh itu juga, saya melalui fasa kehidupan yang sukar apabila ibu mertua pula disahkan mengidap kanser dan memerlukan penjagaan rapi, di rumah.

“Namun, Allah SWT itu sebaik-baik perancangan. Dalam tempoh itu, saya banyak belajar. Allah SWT memberikan petunjuk terbaik buat saya dengan adanya ibu mertua, di-

beliau tidak pernah mengadu atau merungut.

“Dalam tempoh menjaga ibu, banyak yang diajar beliau termasuk resepi untuk menyediakan *fruit cake*.

“Detik itulah menjadi pembuka jalan kepada saya untuk menjual *fruit cake* secara sambilan dan hobi di rumah, pada tahun 2013,” katanya.

Tidak berapa lama, ibu mertua yang disayangi pergi menghadap Ilahi tetapi operasi perniagaan kek di rumah tetap diteruskan.

### Dasar Kebajikan Kerajaan Selangor

Prihatin terhadap situasi itu, Kerajaan Negeri tampil melaksanakan inisiatif pemberian wang khairat kematian kepada warga Selangor yang berdaftar.

“Selepas pemergian ibu mertua, Ahli Dewan Negeri Batu Tiga, Rodziah Ismail, menyerahkan wang khairat kematian kepada keluarga kami sebagai ihsan daripada Kerajaan Negeri.

“Ketika itu, saya menyediakan hidangan *fruit cake* dan beliau mengakui sangat berminat dengan kek itu dan memuji kelembutan serta kelazatannya.



Zukahida Kasim dan Onnie Zurin Abu

“Oleh kerana minat itu, beliau mencadangkan kepada saya membuat pinjaman HIJRAH Selangor bagi meluaskan perniagaan ke peringkat lebih besar,” katanya.

Terbuka dengan tawaran itu, beliau akhirnya membuat pendaftaran selepas mengambil kira keperluan untuk menambah operasi tempahan kek dan perniagaannya.

“Ketika tempahan kek semakin meningkat dan kejayaan dapat menghantar tempahan serta bekalan kek di *Aeon Big*, keadaan itu memerlukan saya membuat pinjaman HIJRAH Selangor, pada kadar RM5,000.

“Modal itu digunakan untuk membeli pengukus dan alatan penyediaan kek lain yang akhirnya menjadi permulaan kepada lanjutan kejayaan *Fruitissimo*,” katanya.

Katanya, pelaksanaan inisiatif HIJRAH Selangor di bawah gagasan Dato' Menteri Besar, Dato' Seri Mohamed Azmin Ali, banyak membantu usahawan baru meningkatkan peluang perniagaan.

Justeru, katanya, keberkesanan dasar berkebajikan itu sewajarnya dimanfaatkan usahawan negeri ini khususnya golongan muda untuk memacu peningkatan ekonomi jangka panjang.

“Walaupun kurang dua tahun operasi *Fruitissimo*, tetapi atas rezeki Allah SWT dan galakan program HIJRAH Selangor berjaya meletakkan perusahaan bakeri ini dikenali umum.

“Sudah tentu gembira apabila dapat melihat produk saya dijual di pasar raya terkemuka seluruh Selangor dan bakal masuki pasaran luar negara,” katanya.

### Teroka kemahiran baru

Beliau banyak menerima pengiktirafan terbaik sebagai antara usahawan HIJRAH Selangor yang paling berjaya kini.

Zukahida dan suami turut diberi peluang mengikuti kursus dan pendedahan di China berhubung prospek perniagaan, di luar negara.

Peluang itu diberikan menerusi kerjasama dengan Unit Perancang Ekonomi Selangor untuk mengetengahkan usahawan negeri yang berpotensi untuk diketengahkan.

## 8 | KLIK! MINGGUAN

www.selangorkini.my Twitter: Media\_Selangor Facebook: MediaSelangor Instagram: selangortv.my SMARTSelangor



**SELANGOR  
MASA DEPAN  
MALAYSIA**



Anugerah Perkhidmatan Cemerlang  
Tahun 2017 Majlis Bandaraya  
Petaling Jaya (MBPJ)



Kejuaraan Wajadiri MySilat Cekak  
Pusaka Hanafi Peringkat IPT dan  
Sekolah Seluruh Malaysia 2018



Penyerahan Cek Bantuan Kepada  
Penduduk Berkaitan Projek  
Naiktaraf Sungai Ampang



# KLIK! MINGGUAN | 9

www.selangorkini.my Media\_Selangor MediaSelangor selangortv.my SMARTSelangor

Pesta Buku Negeri Selangor 2018





## PROJEK LEBUH RAYA PERSISIRAN PANTAI BARAT (WCE)

# Benarkah ancam pengguna jalan raya utara Selangor?

Tiada yang lebih menyayat hati apabila melihat ibu, bapa, anak, saudara mara atau sesiapa sahaja terbabit dalam insiden kemalangan jalan raya terutama membabitkan kehilangan nyawa. Kisah-kisah kehilangan suami, isteri, ibu atau ayah sudah tentu membuatkan hati kita tersentuh, sedih dan meratap. Namun, adakah kemalangan seperti ini masih boleh dielakkan? Atau kita hanya berserah kepada takdir?

OLEH NORHAYATI UMOR hayati@mediaselangor.com



es kemalangan jalan raya bukan sesuatu yang asing di negara kita. Malah, pelbagai kempen keselamatan dan kesedaran dilaksanakan.

Pada 2015, Malaysia antara negara yang mencatatkan indeks kematian akibat kemalangan jalan raya tertinggi, di dunia. Bloomberg pula melaporkan, kadar kematian membabitkan kemalangan jalan raya di Malaysia adalah ketiga tertinggi di dunia, pada tahun 2017.

Negara ini mencatatkan kadar kematian 23 orang bagi setiap 100,000 penduduk, menurut data Pertubuhan Kesihatan Sedunia 2013, kata laporan itu. Sementara itu, statistik dikeluarkan Jabatan Siasatan dan Penguatkuasaan Trafik (JSPT) Bukit Aman menunjukkan sebanyak 5,083 kematian akibat jalan raya direkodkan, dalam tempoh Januari hingga September 2017.

Daripada jumlah itu, sebanyak 1,077 kematian akibat kemalangan

jalan raya direkodkan membabitkan pelajar sekolah berusia di antara enam hingga 20 tahun diikuti jumlah golongan terbabit yang cedera parah seramai 1,150 dan 1,675 orang cedera ringan.

Selain itu, dalam tempoh sama kematian akibat kemalangan jalan raya membabitkan penunggang motosikal berumur 16 hingga 25 tahun adalah yang tertinggi direkodkan iaitu 1,043 daripada 3,232 kes.

Penunggang dan pembonceng motosikal masih lagi menjadi kumpulan pengguna jalan raya yang paling terdedah dan paling berisiko tinggi terbabit dalam kes kemalangan jalan raya, di negara ini.

## Punca

Selain sikap pengguna itu sendiri, punca nahas jalan raya itu daripada kecuaian, penggunaan telefon bimbit, mabuk, letih serta tentunya keadaan jalan raya itu sendiri.

Di Selangor, penduduk sekitar Sekinchan, Sungai Panjang, Tanjung Karang, Sungai Besar dan Sabak Bernam kini berdepan dengan projek menaik taraf Jalan Persekutuan



Ng Suee Lim, Ahli Dewan Negeri Sekinchan

tuan 5 di bawah Kerajaan Persekutuan yang kini giat dilaksanakan.

Bukan itu sahaja, penduduk turut berdepan dengan projek pembinaan mega iaitu projek Lebuhraya Persisiran Pantai Barat (WCE) yang turut dibangunkan, di bawah seliaan Kerajaan Persekutuan.

Penduduk mendakwa, projek terbabit dilihat mengancam keselamatan pengguna jalan raya terutama pada waktu malam. Kebanyakan pengguna jalan raya yang menggunakan laluan itu juga



**Bukan sahaja kon yang diletakkan**

**di kawasan projek tidak dipasang lampu amaran, malahan kebanyakannya kon itu juga tinggi.**

NOORLIYANA ABU BAKAR

**Kadar kematian membabitkan kemalangan jalan raya di Malaysia adalah ketiga tertinggi di dunia, pada tahun 2017.**

Bloomberg

lebih memilih untuk berjalan kaki kerana tidak berani menunggang motosikal ekoran bimbang jika berlaku kejadian tidak diingini. Lebih teruk lagi, penduduk yang mahu dikenali sebagai Izuan berkata, empat sekolah iaitu Sekolah Kebangsaan (SK) Sungai Burong, SK Parit 4, SK Berjaya dan SMK Sungai Burong berdepan dengan ancaman, setiap hari.

"Bayangkan bagaimana pelajar, guru dan ibu bapa berdepan ancaman setiap hari. Jalan yang sangat teruk membahayakan keselamatan pengguna," katanya.

## Kesal projek tidak patuhi aspek keselamatan

Ahli Dewan Negeri Sekinchan, Ng Suee Lim, kesal dengan projek itu yang didakwa gagal mematuhi aspek keselamatan pengguna jalan raya lain.

Beliau mendakwa, hasil aduan dan tinjauan yang dilakukan pihaknya mendapati papan tanda sedia ada mengelirukan pengguna jalan raya, sedangkan aspek keselamatan wajar dipertingkatkan ketika kerja-kerja pembinaan dilaksanakan selaku kontraktor yang dilantik.

Katanya, selain itu, penggunaan kon yang tinggi menyukarkan pengguna khususnya kendaraan kecil tidak dapat melihat kendaraan yang datang dari arah belakang sekiranya mahu membuat pusingan U.

"Jika waktu malam pula, *blinker* yang kurang menyebabkan pengguna terdedah kepada risiko kemalangan. Bayangkan lampu ini hanya ada di pusingan U sahaja, itu pun tidak mencukupi."

"Apa yang merunsingkan, perubahan susur jalan akan berubah setiap hari dan minggu akibat pembinaan ini. Ia menyebabkan pengguna jalan raya keliru dan berbahaya sekiranya tidak berhati-hati."



"Kita menyokong jajaran Persekutuan 5 ini dinaik taraf dan dijadikan Lebuhraya Pantai Barat, namun kerja-kerja menaik taraf ini perlu menitikberatkan faktor keselamatan. Sebelum ini, saya sudah jangka perkara ini akan berlaku apabila projek ini diumumkan," katanya.

### Kes kemalangan (SUB)

Suee Lim mendakwa, kes kemalangan saban hari berlaku di laluan berkenaan yang terdiri daripada pelbagai jenis kenderaan.

"Saya menerima banyak aduan, apatah lagi bila berlakunya kemalangan. Pengalaman saya sendiri memandu kenderaan pun takut. Saya mahu perkara ini dititik beratkan dan pihak kontraktor mengambil maklum akan perkara ini," katanya.

Daripada sumber polis, sejumlah 33 kes kemalangan dilaporkan, bagi tempoh 17 Oktober 2017 hingga 18 Februari lalu. Sehubungan itu, Suee Lim mahu pihak terbabit dapat memantau perjalanan projek pembinaan itu, sekali gus mengingatkan pihak kontraktor supaya lebih menitik beratkan aspek keselamatan.

"Pemaju perlu mematuhi arahan Penilaian Impak Alam Sekitar, Pelan Pengurusan Alam Sekitar, Pelan Keselamatan Projek, Pelan Kualiti Projek dan Amalan Pengurusan Terbaik."

"Saya menyarankan pemaju mewujudkan pasukan khas bagi kerja-kerja memantau kawasan hotspot kemalangan dan cari jalan penyelesaian untuk mengatasi masalah ini. Pembinaan ini bukan mengambil masa sehari atau minggu tetapi ini projek yang memakan masa bertahun," katanya.

### Kerjasama salur aduan

Majlis Daerah Sabak Bernam

(MDSB) pula sentiasa bekerjasama menyalurkan aduan berkaitan projek berkenaan secara terus kepada pihak kontraktor.

Pengarah Jabatan Kejuruteraan MDSB, Firdaus Ahmad Nor memaklumkan, antara aduan yang kerap diterimanya membabitkan papan tanda dan lampu keselamatan.

Katanya, kawasan yang gelap sekitarnya mengundang kepada insiden yang tidak diingini, maka oleh itu pelbagai aduan dikemukakan penduduk dan pengguna jalan raya.

"Di peringkat MDSB, apabila menerima aduan berkaitan projek, maka kami akan panjangkan terus pada pihak kontraktor (Mangkubumi Sdn Bhd).

"Tidak di nafikan ada kelelahan tetapi kami dapat ada penambahbaikan dari semasa ke semasa.

"Aduan yang kerap kami terima adalah kawasan pembinaan gelap dan kurang *signboard* keselamatan. Antara tindakan yang kami lihat sudah diambil adalah penambahan blinker, penambahan papan tanda keselamatan di kawasan utama, penggunaan *robot flagman*, di lokasi," katanya.

### Tubuh Emergency Respon Team

Pengarah Projek Mangkubumi Sdn Bhd, Lofti Ayob berkata, pihaknya menubuhkan *Emergency Response Team* (ERT) yang melaksanakan

pemantauan sekiranya berlaku sebarang kemalangan dan kejadian tidak diingini, di tapak projek.

"Orang ramai boleh membuat aduan ke talian *hotline* atau Jabatan Kerja Raya (JKR) untuk pihak kami mengambil tindakan serta menyertakan gambar dan lokasi bagi memudahkan pencarian lokasi yang diadu."

"Pasukan ERT akan berada di tapak untuk membuat rondaan 24 jam dan memberi bantuan serta

tindakan segera bagi menjamin keselamatan pengguna.

### Projek WCE pengaruhi keadaan?

Projek WCE didakwa mencabul piawaiannya lebuh raya ekspres kerana dikatakan membahayakan nyawa penduduk tempatan serta pengguna lebuh raya itu sendiri.

Pemerhati bebas, Mohd Hezery Hussin berkata, pencabulan piawaiannya itu membabitkan penggunaan sebahagian jajaran Jalan Klang-Teluk Intan FT5 dan Jalan Teluk Intan-Sitiawan FT5 sebagai sebahagian laluan WCE E32. Katanya, penggunaan sebahagian FT5 sebagai antara laluan WCE E32 adalah bertentangan dengan garis panduan lebuh raya ekspres yang ditetapkan dalam Arahan Teknik 8/86:A Guide on Geometric Design of Roads.

"Garis panduan ini sudah terang menyebut bahawa lebuh raya ekspres wajib dikenakan kawalan masuk penuh iaitu tidak boleh mempunyai sebarang bentuk capaian terhadap rumah, tanah, kebun, ladang, lombong, bangunan maupun sebarang bentuk hartanah. "Selain itu, ia juga tidak boleh ada sebarang bentuk lintasan di sepanjang laluan lebuh raya ekspres iaitu persimpangan searas, lampu isyarat dan pusingan U searas.

"Ia juga tidak boleh ada banyak simpang jalan kecil yang dihubungkan terus ke lebuh raya ekspres. Sebaliknya, keluar masuk lebuh raya hanya melalui persimpangan bertingkat berlainan aras yang diwarta dan dihadkan bilangan persimpangannya," katanya.

Hezery turut berkata, lebuh raya ekspres biasanya dibina sebagai lebuh raya kembar untuk mengelakkan pelanggaran secara berdepan ketika memotong walaupun masih ada sebilangan kecil lebuh raya ekspres yang dibina sebagai lebuh raya dua lorong seperti Lebuhraya Senai-Desaru E22 dan SKVE E26 Fasa 3.

"Dengan penghapusan sebegini banyak titik konflik di atas jalan raya, maka pengguna lebuh raya akan berasa lebih selamat dan had laju operasi boleh ditinggikan kepada 110 km/j. Hasilnya, lebuh raya ekspres diiktiraf sebagai jenis jalan raya yang paling selamat, di dunia.

"Namun, jika jalan FT5 dijadikan sebahagian E32, maka bilangan nahas dan angka korban meningkat berlipat kali ganda. Orang kampong akan menjadi mangsa kerana kebanyakannya menaiki motosikal

menunggang perlahan dan tidak memakai topi keledar," katanya.

### Pencabulan bermotif politik?

Hezery mendakwa, desakan daripada pihak berkepentingan yang mahukan pekan Tanjung Karang tidak mati menyebabkan lebuh raya dibina, di jajaran itu.

Mengambil contoh, Bandar Segamat, pekan Batu Anam, pekan Beranang dan pekan Kampar, katanya, ia adalah bandar juga pekan yang meragut nyawa akibat pembinaan Lebuhraya Utara Selatan E1 dan E2.

"Pembinaan Lebuhraya Pantai Timur (LPT) 1 E8 mengakibatkan kematian bandar Maran dan LPT2 E8 pula membunuh nadi ekonomi Ajil, Bukit Besi, Bandar Al-Muktafi Billah Shah dan Bandar Cheneh Baru selepas kadar aliran trafik Lebuhraya Jerangau-Jabor FT14 turun mendadak sehingga 80 peratus.

"Itulah harga yang terpaksa dibayar untuk memperoleh lebuh raya ekspres yang lebih selamat dan selesa," katanya.

### JKR: Aspek keselamatan

Jurucakap Ibu Pejabat Jabatan Kerja Raya (JKR) memaklumkan kepada SelangorKini bahawa projek menaik taraf Jalan Persekutuan 5 itu kini sudah mencapai 50.99 peratus iaitu lebih cepat daripada jangkaan.

Katanya, pihak Mangkubumi melalui sub kontraktor *edgenta propel* melaksanakan sistem pengurusan trafik di tapak yang sentiasa dipantau dan diaudit oleh pihak perunding, setiap bulan.

"Audit ini dilaksanakan secara berselang seli sebagai contoh pada Januari 2018 audit pengurusan lalu lintas ini dilaksanakan pada sebelah siang dengan per-



tusan pematuhan sebanyak 73 peratus dan pada Februari lalu pihak perunding juga JKR melaksanakan audit pengurusan trafik di tapak pada sebelah malam yang mencatatkan peratusan pematuhan sebanyak 77.25 peratus.

"Pihak perunding dan JKR sentiasa menitikberatkan aktiviti berkenaan aspek keselamatan di tapak dengan memastikan pasukan ERT sentiasa bergerak 24 jam tanpa henti bagi memantau sebarang permasalahan, halangan juga mengambil tindakan sewajarnya jika kejadian yang tak diingini terjadi," katanya.

Selain itu, katanya, JKR dan perunding juga menekankan aspek keselamatan terutama pada waktu malam supaya diperbanyakkan kelengkapan seperti *blinkers*, *reflector disk* dan *string barricate* sebagai petunjuk kepada lalu lintas, di samping meletakkan papan tanda amaran serta lampu limpa sebelum juga selepas lencangan sementara dilaksanakan, di tapak.

"Tidak lupa juga Arrow Light dan sistem Variable Message Sign (VMS) diletakkan di beberapa lokasi sebagai makluman kepada pengguna jalan raya, di kawasan itu," katanya.

Beliau berkata, pihak Pegawai Keselamatan dan Kesihatan (SHO) dan Safety Committee sentiasa mengadakan *safety talk* juga *safety briefing* untuk semua pekerja termasuk pekerja trafik supaya aspek keselamatan diambil berat demi keselesaan pengguna jalan raya serta penduduk setempat.

"Pada dasarnya, aspek keselamatan amat dititikberatkan pada projek ini dengan pihak kontraktor juga diwajibkan untuk melantik SHO dan Pegawai Trafik (TMO) seperti dalam kontrak," katanya.

### Jumlah alat keselamatan yang diletakkan

**Concrete Barrier**  
11,000 nos

**Plastic Barrier**  
35,000 nos

**Plastic Cones**  
3,000 nos

**Flashing arrow**  
100 nos

**Reflective disc**  
9,000 nos

**Robotic flagman**  
10 nos

**Portable variable message system (PVMS)**  
2 nos

**Chevron light**  
19 nos

**Temporary signboard (various sizes)**  
887 nos

**Beacon light**  
45 nos



**D**

UN Bukit Lanjan bersempadan dengan Kota Damansara dan Paya Jaras yang sebelum ini diletakkan di bawah Parlimen Subang sebelum persempadan semula dilaksanakan Suruhanjaya Pilihan Raya (SPR) serta diluluskan di Dewan Rakyat, baru-baru ini.

Jumlah pengundi berdaftar pada Pilihan Raya Umum ke-13 (PRU13) seramai 39,978 pengundi.

Bagaimanapun, Daftar Pemilih SPR yang terkini menunjukkan DUN Bukit Lanjan mempunyai 54,902 pengundi iaitu pertambahan 14,924 pengundi.

Sama seperti kebanyakan DUN lain di Selangor, DUN Bukit Lanjan dikuasai Barisan Nasional (BN) menerusi calon mereka daripada Parti Gerakan sebelum tsunami politik 2008.

Pada PRU-11 (tahun 2004), calon Gerakan, Yong Dai Ying, menang dengan majoriti 8,839 undi apabila memperoleh 11,460 undi menewaskan V Pannarselvam daripada Parti Keadilan Rakyat (KEADILAN) yang mengutip 3,121 undi.

#### Tsunami politik tamatkan penguasaan BN

Bagaimanapun, pada PRU12 tahun 2008 penguasaan BN di DUN berkenaan berjaya ditamatkan apabila Barisan Alternatif (BA) merampas kerusi ini menerusi calon mereka juga daripada KEADILAN, Elizabeth Wong, dengan majoriti 5,155.

Elizabeth memperoleh 12,125 undi menewaskan penyandang kerusi yang hanya mendapat 6,970 undi.

Selain pertambahan jumlah pengundi baru yang menyebelahi BA, undi BN sendiri merosot teruk sebanyak 4,490 undi.

Penguasaan KEADILAN di kerusi ini semakin kukuh apabila Elizabeth yang sebelum itu dilantik sebagai Exco Pelancongan, Teknologi Hijau, Hal Ehwal Pengguna dan Alam Sekitar, menang bergaya pada PRU13 lalu dengan majoriti lebih besar, 17,200 undi.



#### PEDULI RAKYAT JADI REALITI

## Penduduk Bukit Lanjan puas hati

Dewan Undangan Negeri (DUN) Bukit Lanjan (N.37) adalah salah satu daripada tiga bahagian pilihan raya dalam Parlimen Subang (P.106) bersama dua DUN lain iaitu Paya Jaras dan Kota Damansara. OLEH NAZLI IBRAHIM nazli@mediaselangor.com

Pada PRU yang berlangsung pada tahun 2013 itu, Elizabeth memperoleh 25,808 berbanding Chong Tuck Chiew daripada Parti Gerakan yang hanya mendapat 8,608 undi.

#### Tiga penjuru tidak berkesan

Walaupun jika berlaku pertembungan tiga penjuru, namun berdasarkan senario politik semasa, Pakatan Harapan (PAKATAN) dijangka tidak berhadapan masalah besar untuk mempertahankan kerusi ini.

Hal ini ekoran pelbagai faktor sama ada faktor tempatan, negeri maupun nasional yang menyebelahi PAKATAN dan dijangka mempengaruhi corak pengundian.

Di peringkat tempatan, faktor

prestasi Elizabeth sebagai wakil rakyat yang menabur khidmat selama dua penggal di DUN ini sudah pasti memberi kesan.

Tinjauan SelangorKini di kawasan DUN ini mendapati kebanyakan pengundi menyatakan rasa puas hati dengan perkhidmatan yang diberikan.

Pekerja swasta, Saiful Adli, 37, berkata berbanding Ahli Dewan Negeri (ADN) terdahulu, Elizabeth lebih mudah ditemui di kawasan DUN walaupun sibuk dengan tanggungjawab sebagai Exco.

“Yang Berhormat memang rapat dengan masyarakat, selalu turun kawasan, terutama bila diperlukan seperti kejadian tanah runtuh di Kayu Ara dahulu pun, dia datang bersama Ahli Majlis selain Dato’ Menteri Besar yang turut turun ke lokasi.

“Beliau juga banyak bina kemudahan awam untuk semua termasuk untuk anak muda seperti padang bola dan futsal untuk masyarakat, di sini,” katanya.

Manakala faktor negeri pula, rekod prestasi cemerlang Kerajaan Negeri sudah tentu menjadi taruhan terbaik PAKATAN, sekali gus mampu memikat pengundi di DUN ini.

Selain itu, pelbagai manfaat yang diterima rakyat daripada skim Inisiatif Peduli Rakyat (IPR) sudah tentu menambahkan lagi kesan positif sokongan pengundi kepada PAKATAN.

Pengerusi penduduk Flat Sri Cempaka, Bandar Sri Damansara, Fadzil Din, 48, berkata hidup di bawah Kerajaan Negeri hari ini sangat berbeza berbanding sebelum pertukaran kerajaan.

“Saya dah tinggal di Selangor hampir 40 tahun, terlalu berbeza.

Sebagai pengurus penduduk, saya terima banyak bantuan daripada ADN untuk disalurkan kepada penduduk seperti Food Stamp, kad KISS dan kad Peduli Sihat.

“Boleh dikatakan hampir semua penduduk di tempat saya dapat bantuan dalam pelbagai bentuk termasuk sumbangan hari raya, persekolahan dan sumbangan untuk warga emas.

“Dahulu BN cukup bangga, megah sebab rasa tak boleh jatuh tetapi sumbangan BN kita tak dapat seperti kerajaan sekarang,” katanya.

Katanya, Kerajaan Negeri berjaya menterjemahkan slogan Peduli Rakyat dalam realiti kehidupan rakyat bawahan khususnya.Bagi suri rumah tangga,



**“Saya dah tinggal di Selangor hampir 40 tahun, terlalu berbeza. Sebagai pengurus penduduk, saya terima banyak bantuan daripada ADN untuk disalurkan kepada penduduk seperti Food Stamp, kad KISS dan kad Peduli Sihat.**


**FADZIL DIN,**  
48, Pengurus penduduk Flat Sri Cempaka

**“Berbanding Ahli Dewan Negeri (ADN) terdahulu, Elizabeth lebih mudah ditemui di kawasan DUN walaupun sibuk dengan tanggungjawab sebagai Exco.**

**SAIFUL ADLI,**  
37, Pekerja swasta

**“Saya dan keluarga tidak pernah membayar bil air kesan daripada Skim Air Percuma Kerajaan Negeri.**

**SITI NORHAFIZAH AHMAD KHAIRUDDIN,**  
33, Suri rumah tangga



## Infografik DUN Bukit Lanjan

### 1. Pengundi Berdaftar

- Daftar Pemilih pada PRU13:	<b>39,978</b>
- Daftar Pemilih terkini 2017:	<b>54,902</b>
- Pertambahan:	<b>14,924</b>

### 2. Keputusan PRU terdahulu

PRU11 (2004)	<b>11,460</b>
<b>Yong Dai Ying (BN) :</b>	<b>3,121</b>

**Pannerselvam Varathan (KEADILAN):**

**Majoriti:**

**PRU12 (2008)**

**Elizabeth Wong (KEADILAN):**

**Yong Dai Ying (BN):**

**Majoriti:**

**PRU13 (2013)**

**Elizabeth Wong (KEADILAN):**

**Chong Tuck Chiew (BN):**

**Majoriti:**

Siti Norhafizah Ahmad Khairuddin, 33, beliau dan keluarga tidak pernah membayar bil air kesan daripada Skim Air Percuma Kerajaan Negeri.

“Anak saya juga serta Skim Tawas, Tunas dan rumah kami tidak pernah bayar bil air. Skim seperti ini bagus sebab membantu golongan memerlukan untuk mendapatkan bantuan seperti perubatan,” katanya.

Beliau yang mendapat tahu berhubung program KISS juga sudah menghantar permohonan, di Pusat Khidmat Adun Bukit Lanjan.

### Masyarakat Bukit Lanjan berbekas di hati ADN

Dua penggal berpeluang berkhidmat sebagai ADN Bukit Lanjan bukan satu tempoh yang terlalu panjang tetapi sudah cukup memberi kesan di hati Elizabeth.

Elizabeth berkata, hal itu ekoran sambutan dan kerjasama masyarakat di DUN itu yang begitu memberangsangkan.

“Terharu kerana tak kira apa juga program. Daripada program kebajikan, kesihatan dan aktiviti mesra rakyat, bahkan pejabat saya juga sentiasa menyokong serta

menyumbang pelbagai program keagamaan juga kerohanian

“Begitu juga aktiviti yang memupuk jalinan masyarakat yang sebelum ini agak susah untuk penduduk berpeluang berjumpa dan bermesra khasnya jalinan antara kaum tetapi saya selalu tekankan untuk hampir semua program iaitu kita mesti cuba dapat peserta daripada pelbagai kaum,” katanya.

Beliau juga amat bersyukur apabila penduduk DUN sendiri memiliki semangat dan kesedaran yang tinggi bagi menjalin perpaduan serta kejiraninan yang sangat erat dalam kalangan mereka.

Katanya, semangat perpaduan yang erat itu juga menjadi faktor kejayaan masyarakat di situ mewujudkan lima kebun komuniti dan ia bukan suatu perkara yang mudah untuk dilaksanakan.

“Sebelum ini, sangat susah untuk jalankan program itu kerana penduduk ada persepsi negatif berhubung kebun komuniti seperti kebersihan, khuatir ada ular atau tikus tetapi sekarang kita ada lima kebun komuniti yang berjaya membawa pelbagai kaum dan lapisan masyarakat bersama,”

katanya.

Lebih menggembirakan beliau, apabila berpeluang menjalin hubungan baik dengan semua lapisan masyarakat termasuk guru dan pelajar.

“Program Tuisyen Rakyat yang diadakan setiap tahun melalui cikgu yang membantu secara sukarela berjaya meningkatkan prestasi gred peperiksaan Sijil Pelajaran Malaysia (SPM) khasnya pelajar daripada keluarga kurang berkemampuan untuk mendapatkan tuisyen,” katanya.

Elizabeth berkata, perpaduan dan kerjasama erat masyarakat Bukit Lanjan turut memberi inspirasi kepada beliau supaya berusaha lebih gigih membawa pembangunan kepada masyarakat, di situ.

“Penggal ini juga kita dapat beberapa projek infrastruktur baru seperti dua dewan komuniti baru yang salah satunya masih dibina, stesen keretapi LRT dan MRT yang saya perjuangkan supaya kemudahan ini diletakkan di DUN saya untuk penduduk serta dua dewan berbumbung bola keranjang,” katanya.



Flea market di Amcorp Mall

 TARIKAN BARU PELANCONG

# Flea Market dan Bazar Rakyat

SELANGOR adalah negeri paling maju di Malaysia yang mempunyai skala ekonomi besar dan infrastruktur baik daripada segi lebuh raya serta pengangkutan awam selain kepadatan penduduknya. Jadi, pastinya terdapat pelbagai acara, program dan hiburan yang diadakan. Antara yang menjadi perhatian ramai pengunjung adalah pasar lambak (*flea market*), di negeri itu.

OLEH SABIRAH AZIZ [maizaitul@mediaselangor.com](mailto:maizaitul@mediaselangor.com)

**T**ahukah anda apa itu pasar lambak? Ia adalah pasar jalanan yang menjual barang terpakai dengan Selangor adalah salah satu negeri paling terkenal dengan lokasi pasar seumpamanya, di Malaysia.

Bagi mereka yang gemarkan bersiar-siar sambil mencuci mata, ini mungkin salah satu bentuk terapi untuk anda. Lokasinya juga cukup strategik dan terbaik dengan pengunjung boleh membeli pelbagai jenis produk termasuk makanan, fesyen dan pelbagai barang lain. Barang dijual pula cenderung

lebih murah berbanding kedai yang terdapat di pusat beli-belah.

Berikut adalah enam bazar dan pasar lambak menarik di sekitar Selangor yang menjual pelbagai barang bagi menampung keperluan belanja anda. Mungkin anda juga dapat menemui beberapa barang antik, unik dan sukar didapati di mana-mana pusat membeli-belah biasa:

## 1 Amcorp Mall Flea Market

**Lokasi:** No 18 Blok B Amcorp Tower, Persiaran Barat, 46050 Petaling Jaya.

**Waktu operasi:** Sabtu & Ahad

**Masa:** 10 pagi - 5 petang

**Masuk:** Percuma

**Flea market** di Amcorp Mall adalah salah satu pasar lambak terbaik di Malaysia dengan ramai peniaga menjual barang di pusat beli-belah itu bermula dari tingkat bawah, pada hujung minggu. Di pasar ini, pengunjung boleh mencari barang antik, koleksi terkumpul, seni dan kraf, barang rumah, makanan buatan sendiri serta mainan terpakai.

Terdapat lebih 300 gerai wujud di situ sejak pertengahan tahun 1997, di antara Lembah Klang dan Kuala Lumpur dalam blok lima tingkat. Kebanyakan gerai terletak di tingkat paling bawah hingga tingkat tiga dengan setiap tingkat itu dilengkapi meja dan kerusi bagi



Flea market di Amcorp Mall



Flea market di Amcorp Mall

mewujudkan ruang.

Pasar lambak di sini juga mempunyai laman sesawang sendiri dengan setiap barang yang dijual mempunyai maklumat lengkap berhubungnya. Antara barang menarik boleh didapati:

- Pita rakaman dan CD lama
- Duit syiling lama
- Barang kemas antik
- Batu permata
- Barang kulit
- Perabot lama
- Koleksi buku dan majalah lama

## 2 Arts for Grabs

**Lokasi:** 72, The School @ Jaya One, Jalan Universiti, 46200 Petaling Jaya

**Waktu operasi:** Sabtu & Ahad

**Masa:** 12 tengah hari - 8 malam

**Masuk:** Percuma

Salah satu festival mini-bazar terbaik di bandar, *Arts for Grabs* kembali pada Disember ini, di The School, Jaya One. Bertemakan *Laundromat of Love!*, edisi kedua festival kreatif ini akan berlangsung selama dua hari, setiap hujung minggu.

Festival ini bakal menampilkan 70 gerai seni dan kraf, 20 perkara bermanfaat dan 12 program (forum, pelancaran buku, saringan dan juga pelancaran permainan papan).

Bagi mereka yang menggemari barang buatan sendiri *DIY* seni dan kraf seperti produk kraftangan, penjagaan kulit serta makanan, festival ini adalah yang terbaik untuk anda. Selain barang jualan dan gerai makanan, persembahan langsung dan acara bengkel juga diadakan serentak pada festival ini.

# MENARIK DI SELANGOR

15

[www.selangorkini.my](http://www.selangorkini.my) [Media\\_Selangor](#) [MediaSelangor](#) [selangortv.my](#) [SMARTSelangor](#)


Arts for Grabs



Arts for Grabs



ilovebazaar @ eCurve



Markets @ Jaya One



Markets @ Jaya One



Urban Yard

## 3 Markets @ Jaya One

**Lokasi:** 72A, Jalan Universiti, Seksyen 13, 46200 Petaling Jaya

**Waktu operasi:** Sabtu & Ahad

**Masa:** 11 pagi - 7 malam

**Masuk:** Percuma

**Markets di Jaya One** adalah bazar yang paling terkenal dan berjaya mencuri tumpuan ramai pengunjung, sehingga kini. Dianjurkan empat kali setahun, bazar ini terletak di satu pusat perdagangan, konsep runcit dan pusat hiburan, di Petaling Jaya.

Ia adalah satu hentian pasar menjual semua barang unik seperti sabun dalam bentuk biskut, kasut dan pakaian. Dalam satu-satu masa pengjurannya, pengunjung bazar boleh melihat sendiri kedai-kedai yang bersaing untuk mendapatkan perhatian pelanggan.

Pasar ini juga menjual barang istimewa seperti deodoran dan makanan haiwan buatan sendiri bagi menarik hati mereka yang mempunyai haiwan peliharaan. Maka, bagi semua pencinta haiwan di luar sana, anda perlu mengunjungi pasar ini bagi menikmati sendiri pengalaman berjalan-jalan sambil membeli belah, pada hujung minggu.

## 4 ilovebazaar @ eCurve

**Lokasi:** eCurve, 2A, Jalan PJU 7/3, Mutiara Damansara, 47810 Petaling Jaya

**Waktu operasi:** Jumaat, Sabtu & Ahad

**Masa:** 10.30 pagi - 10.30 malam

**Masuk:** Percuma

**ILoveBazaar** yang terletak di E-Curve Mutiara Damansara, dibuka setiap hujung minggu yang menjual barang seperti aksesori fesyen, bakul tenun, bahan seni serta pelbagai jenis makanan.

Semuanya dijual dalam satu bazar dengan harga berpatutan. Antara barang dijual seperti aksesori fesyen, rel fesyen, bakul tenun, bahan seni dan tentu saja pelbagai jenis makanan. Jelas sekali, semuanya boleh dimakan pada masa sama apabila anda berada di bazar ini.

Selain itu, bazar yang sama juga terdapat di Atria Damansara Jaya dan Setia Walk, Puchong, menampilkan konsep jualan sama seperti pakaian, makanan serta *'knick-knack'* (perhiasan kecil)

- Atria Damansara Jaya beroperasi pada hujung minggu pertama dan ketiga setiap bulan

## 5 Urban Yard di Setia Walk, Puchong

**Lokasi:** Setia Walk, Persiaran Wawasan, Pusat Bandar Puchong, 47160 Puchong

**Waktu operasi:** Jumaat, Sabtu & Ahad

**Masa:** 12 tengah hari - 10 malam

**Masuk:** Percuma

**Bazar popular** ini menjadi tumpuan ramai pengunjung terutama yang tinggal di sekitar kawasan Puchong memandangkan jumlah bazar yang agak sedikit, di sekitar Lembah Klang. Selain itu, lokasinya yang terletak di bahagian luar di laluan pengguna jalan kaki turut memudahkan pengunjung mencuci mata sambil membeli.

Mula beroperasi pada minggu kedua setiap bulan, bazar ini menawarkan pelbagai jenis pakaian, aksesori, kasut, beg, barang-barang buatan tangan, kek cawan, macarons dan banyak lagi barang yang mudah didapati serta memiliki keunikan tersendiri.

Di samping barang berkenaan, jus buah-buahan buatan sendiri dan bantal bermukura binatang seperti kucing juga anjing turut menjadi perhatian ramai.



Subang Jaya

## 6 Bazar di Subang Parade

**Lokasi:** No. 5, Jalan SS16/1, 47500 Subang Jaya

**Waktu operasi:** Sabtu & Ahad minggu pertama & terakhir setiap bulan

**Masa:** 10 pagi - 10 malam

**Masuk:** Percuma

**Bazar Subang Parade**, terletak di dalam pusat beli-belah berorientasikan keluarga, ia adalah bazar ringkas yang sesuai golongan ini. Di sini, mereka menawarkan

pelbagai jenis barang seperti barang kemas, kelengkapan rumah, barang hiasan, pencuci mulut, makanan dan minuman serta pelbagai lagi barang menarik.

Dibuka setiap hujung minggu pertama dan terakhir setiap bulan, kebanyakan produknya diletakkan di atas meja beralaskan kain.

Walaupun tiada ruang yang banyak, ia turut memberikan kemudahan kepada pengunjung yang mencari barang spesifik terutama seperti kotak Sarawak, kek lapis Sarawak atau kotak muzik ballerina.



**Prestasi perkhidmatan Bas Percuma Smart Selangor layak dikategorikan sebagai cemerlang dengan catatan 15,370,366 penumpang sejak mula ia dilancarkan, hingga 31 Disember 2017.**

DATO' TENG CHANG KHIM  
EXCO PELABURAN,  
PERINDUSTRIAN, PERDAGANGAN  
DAN PENGANGKUTAN SELANGOR.



**Sebagai seorang suri rumah yang tidak mempunyai lesen, maka Bas Percuma Smart Selangor ini memudahkan saya untuk pergi ke mana sahaja tanpa perlu menyusahkan sesiapa dan ia berhenti berdekatan dengan rumah.**

KANAKAVATHY  
55, SURI RUMAH



**Sebagai seorang yang berpendapatan rendah, saya amat berterima kasih kepada Kerajaan Negeri kerana menyediakan inisiatif bas percuma sebegini, malahan dapat ulang alik ke tempat kerja tanpa perlu risau kos yang ditanggung selain tak perlu bersesak memandu sendiri ke pejabat.**

NURHAZIRAH JOHARI  
31, PENJAWAT AWAM



**Bas Smart Selangor**

## Lebih 15 juta pengguna dapat manfaat

Pelaksanaan Bas Percuma Smart Selangor yang diperkenalkan Kerajaan Negeri di bawah Inisiatif Peduli Rakyat (IPR) kini sudah memanfaatkan lebih daripada 15 juta pengguna, di negeri ini.

OLEH SHEEDA FATHIL sheeda@mediaselangor.com

**S**ejak dilancarkan 1 Julai 2015, perkhidmatan Bas Percuma Smart Selangor dilihat tepat pada masanya ketika rakyat mulai terhimpit dengan kos sara hidup yang semakin tinggi.

Kini, Bas Percuma Smart Selangor sudah mempunyai 100 bas dengan 30 laluan di seluruh Pihak Berkuasa Tempatan (PBT) negeri atas keprihatinan Kerajaan Negeri.

Manakala, laluan Bas Percuma Smart Selangor di seluruh PBT turut dihubungkan dengan pelbagai jaringan pintar (*smart network*) dengan beberapa pengangkutan awam seperti komuter, Transit Aliran Ringan (LRT), Transit Aliran Massa (MRT), Bas Rapid Transit (BRT) dan Express Rail Link (ERL).

Inisiatif berterusan itu dilaksanakan secara komprehensif, malahan bukan sahaja rakyat Selangor dapat menikmati kemudahannya tetapi mereka yang bukan berasal dari negeri ini turut merasai keistimewaan berkenaan jika mereka tinggal, di sini.

Objektif lain pelaksanaan Bas Percuma Smart Selangor supaya dapat mengurangkan kesesakan trafik serta membudayakan penggunaan teknologi hijau dan inisiatif rendah karbon dapat

dicapai. Menariknya, Bas Percuma Smart Selangor turut dilengkapi kemudahan wifi, Kamera Litar Tertutup (CCTV), Passenger Information System (PIS) dan mesra Orang Kelainan Upaya (OKU).

Beroperasi setiap hari dari jam 6.30 pagi sehingga 6.30 petang ( Isnin-Jumaat ) dan jam 6.00 pagi sehingga 9.00 malam ( Sabtu-Ahad ) dengan kekerapan perjalanan, setiap 15 minit.

### Terima sambutan memberangsangkan

Sejak dilancarkan, Bas Percuma Smart Selangor menerima sambutan yang cukup memberangsangkan apabila jumlah pengguna semakin meningkat, hari ke hari. Exco Pelaburan, Perindustrian, Perdagangan dan Pengangkutan Selangor, Dato' Teng Chang Khim berkata, prestasi perkhidmatan Bas Percuma Smart Selangor layak dikategorikan sebagai cemerlang dengan catatan 15,370,366 penumpang sejak mula ia dilancarkan, hingga 31 Disember 2017.

"Dengan sambutan yang sangat menggalakkan, Kerajaan Negeri amat yakin untuk terus memberikan sokongan dan bantuan terhadap usahasama dengan PBT dalam memperbaikkan laluan serta menambah bas baru, pada

masa akan datang.

"Usaha ini selaras dengan matlamat Kerajaan Negeri untuk membantu rakyat mendapat perkhidmatan terbaik, lebih praktikal dan efisien," katanya ketika dihubungi *SelangorKini*.

Chang Kim yang juga Ahli Dewan Negeri (ADN) Sungai Pinang berkata, sepanjang tahun lalu, jumlah penumpang perkhidmatan Bas Percuma Smart Selangor di Klang sahaja sudah mencapai 1,462,214 dan ia adalah salah satu perkembangan positif.

"Setiap tahun, sering ada peningkatan, malahan belum ada negeri yang mampu melaksanakan bas percuma seperti Selangor lakukan, di setiap daerah negeri ini.

"Usaha itu, sekali gus membuatkan Selangor berjaya diiktiraf dalam *Malaysia Book of Records* (MBOR) iaitu negeri yang paling banyak menyediakan bas percuma, pada 24 September 2017," katanya.

### Rakyat puas hati bas percuma

Rakyat juga menyambut baik usaha dan komitmen tinggi Kerajaan Negeri dalam usaha memastikan IPR dapat disalurkan kepada semua peringkat termasuk perkhidmatan Bas Percuma Smart Selangor yang kini berjaya dilaksanakan di semua kawasan PBT, di negeri ini.



**Menariknya berhubung Bas Percuma Smart Selangor, ia turut dilengkapi wifi dan dalam perjalanan ke kelas saya boleh melayari internet untuk mencari maklumat juga menyemak e-mel.**

TAN YI TENG  
21, PELAJAR



**Saya merasakan kemudahan pengangkutan awam seperti Bas Percuma Smart Selangor ini mencapai piawaian tersendiri yang tiada di negeri lain bukan sahaja percuma, malahan jadual perjalannnya sistematis. Usaha Kerajaan Negeri dilihat amat tepat kerana kebanyakan alasan yang membuatkan rakyat malas menaiki pengangkutan awam adalah masalah jadual perjalanan yang tidak menentu.**

MOHD ZAMIR ZAINI,  
28, KAKITANGAN SWASTA

